

La magia d'enviern resta, main il turissem

Terra Grischuna mussa tant bellezzas sco problems

■ (anr/gc) Sco quai ch'il schefredactor da la «Terra Grischuna», Christian Dettwiler, constatescha en l'editorial dal davos numer d'uonn en scrottas da naiv il siemi da mintga sportist d'enviern. Ma ins sa era dapi onns bain avunda ch'il stgaudament dal clima ha confruntà cun bleras sfidas e chaschunà gronds problems. Tge schanzas ha l'industria dal sport d'enviern sch'adina dapli giuventetgna va damain en ils lieus da sport e sin pista. In ferm accent e stimul pon ils Campiunadis mundials da skis da quest enviern a San Murezzan dar – in eveniment che sulet blers voluntaris pussibileschan.

Viandar tras la naiv è attractiv

Viagar pon ins en il Grischun durant 365 dis. Zunt attractiv è quai dentant tras cuntradas da naiv. Antruras era i la pli impurtanta purschida dal turissem da stad. Oz furman ils viandants il pli grond segment da giasts en il Grischun. Empernaivlas vias da viagar datti era l'enviern. Fascinant èsi cura ch'ins po laschar enavos davent da las rutas marcadadas ils agens fastizs.

Offensiva per ir dapli sin skis

Ins sa regorda che Vico Torriani chantava en ils onns 60 «Alles fahrt Ski, alles fahrt Ski. Ski fahrt die ganze Nation». I dat per numerus – per citar Torriani – oz blier pli bel che da passentar l'enviern en las muntognas. Tenor indicaziuns da las pendicularas svizras en 21,6 milliuns Svizzers ed esters stads l'onn passà en territoris da skis svizzers. Avant tschintg onns eri anc 25,9 milliuns. En la Germania ed Austria vischina è questa cifra restada tuttina. Motivs che decleran questa digren èn: Ils auts custs per equipament e tichets. Er il ferm franc svizzer ha influenza.

Quels da l'exteriur pondereschan duas giadas sch'i veglian ir en Svizra a far vacanzas. Era blers Svizzers van sulet in-



Il frontispizi da la nova Terra Grischuna che sa fatschenta cun las varts positivas e negativas dal turissem grischun. MAD

saquants dis sin pista enstagl da pliras emnas sco pli baud. Il trend è cler: Ils vegls bandunan las pistas e memia paucs giuvens vegnan suenter. I dat ussa perquai en Svizra in'uniun che vul promover il sport d'enviern tras ina iniziativa per che daplirs gijan sin skis.

La naiv è fatschenta

La naiv n'è betg sulet estetica, mabain era fatschenta l'enviern. Il turissem segirescha ina part na renunziabla da l'entrada. Perquai sa gidan ins en blers lieus – en consequenza da pauca naiv – cun channus da naiv. En Svizra vegn la mesadad da las pistas ennavada artificialmain. Quai dovra blier current electric ed aua ch'ins retrai en plirs lieus ord lais artificialis. Ils davos onns han ins pudì constatar quant custavla che la resursa naiv è.

Quai – ed auters blers fatgs cun consequenzas ed aspects – vegn mussà vastmain en in'entira retscha da contribuziuns en la novissima «Terra Grischuna» – ina revista bainfatga e da gronda reclama per noss chantun.

In bel purtret da Laax

Sut il titel «Laax, in lieu per abitar e far vacanzas», vegn mussà co igl è vegnì or da quel vitg da purs in eldorado per ir sin aissa (snowboard). Laax s'auda tranter las pli enconuschantas destinaziuns dal mund per ir sin snowboard. Ensemen cun Falera e Flem furma Laax l'Arena Alva. En il decurs dals davos 50 onns è il dumber d'abitants da Laax creschì per 300 sin 1600. E tuttina saja Laax restà giuven, dinamic e rumantsch cun tgirar era bain tant tradiziun sco cultura.